



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1513403

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

27 հուլիսի 2021թ.

ք. Երևան
(կազմման վայրը)

Ակտի հասցեատեր

«ԳՈԼԴ ԻՆՏԵՐՆԱՑԻՈՆԱԼ ԷՔՍՊԵՐՏ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	9	2	1	6	5	9	2
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Սյունիքի մ. ք. Սիսիան, Արամ Մանուկյան փ. 20

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 14.07.2021թ-ի թիվ 1513403 որոշման համաձայն «Գոլդ Ինտերնացիոնալ Էքսպերտ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 14.07.2021թ-ին ժամը 17:19-ին, ք. Երևան, Դավիթ Բեկի 286/6 հասցեի դիմաց ուսումնասիրության է ենթարկվել ֆիզիկական անձ Գոռ Երեմյանի կողմից շահագործվող «Կռազ» մակնիշի 36 XT 893 հաշվառման համարանիշի ավտոմեքենան: ՕՀՄ-ի ընթացքում պարզվել է, որ նշված ավտոմեքենան ընկերության կողմից 14.07.2021թ-ին ժամը 17:00-ին ք. Երևան, Դավիթ Բեկի 133/1 հասցեում բեռնվել և Կոտայքի մ. ք. Աբովյանի գերեզմանատան մոտ գտնվող քարի վերամշակման արտադրամաս տեղափոխում էր՝ ընդամենը 105.000 ՀՀ դրամ արժեքով 7խ/մ բազալտի մեծաքեկոր՝ առանց համապատասխան ուղեկցող փաստաթղթերի: ՕՀՄ-ի ընթացքում ՀՀ ՊԵԿ ՀՕՀՎ աշխատակիցներին է մոտեցել ընկերության տնօրեն Արմեն Ղևոնդյանը և ներկայացրել է 14.07.2021թ-ին ժամը 17:33-ին՝ ուշ դուրս գրված Ա5331725872 հաշվարկային փաստաթուղթը: Արմեն Ղևոնդյանը հայտնել է, որ ուղեկցող փաստաթուղթը ուշ է դուրս գրվել տեխնիկական պատճառներով:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 105.000 ՀՀ դրամ արժողությամբ ապրանքների տեղափոխման համար հարկ վճարողի կողմից 14.07.2021թ-ին ժամը 17:19-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև մեքենայի վարորդ Գոռ Երեմյանի կողմից 14.07.2021թ-ին տրված գրավոր հայտարարությամբ:

Թիվ 1513403 արձանագրությամբ 14.07.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 27.07.2021թ-ին նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոգրյալի կապակցությամբ վարչական մարմինը հարկ է համարում նշել, որ ՀՀ հարկային օրենսգրքի 4-րդ հոդվածի 1-ին մասի 42-րդ կետի համաձայն ապրանքի տեղափոխություն է համարվում՝ հարկ վճարողի կողմից իր առաքման վայրերի և (կամ) առաքման կետերի միջև տեղափոխվող կամ պահատվության, հանձնարարության, պրինցիպալի անունից հանդես գալու պայման նախատեսող գործակալության պայմանագրերով կամ վերամշակման հանձնվող կամ վերադարձվող կամ վերամշակման ընդունված ապրանքանյութական արժեքների վերամշակման արդյունքում վերադարձվող կամ որևէ առաքման վայրից կամ առաքման կետից ձեռք բերված և տեղափոխվող (այդ թվում՝ փոխադրողի միջոցով) ապրանքի տեղաշարժ՝ առանց ապրանքի նկատմամբ սեփականության իրավունքի՝ մեկ անձից մեկ այլ անձին փոխանցման, իսկ նույն օրենքի 1-ին մասի 58-րդ կետի համաձայն առաքման կետ է համարվում տրանսպորտային միջոց, որն օգտագործվում է հարկ վճարողի կողմից իր ապրանքները մատակարարելու կամ տեղափոխելու համար, ինչպես նաև շրջիկ առևտրի կետ:

ՀՀ հարկային օրենսգրքի 56-րդ հոդվածի 4-րդ մասի համաձայն հաշվարկային փաստաթղթերը դուրս են գրվում ապրանքը մատակարարելու, աշխատանքի կատարումն ավարտելու (այդ թվում՝ ըստ պայմանագրով նախատեսված փուլերի) և (կամ) ծառայության մատուցումն ավարտելու (այդ թվում՝ ըստ պայմանագրով նախատեսված փուլերի) պահին, բացառությամբ սույն հոդվածի 8-րդ մասով սահմանված դեպքերի, իսկ բեռնագիրը դուրս է գրվում մինչև ապրանքի տեղափոխությունը:

Համաձայն 2017թ. հոկտեմբերի 5-ի ՀՀ կառավարության թիվ 1257-Ն որոշմամբ սահմանված ոչ էլեկտրոնային եղանակով հաշվարկային փաստաթղթերի դուրսգրման դեպքերը սահմանող N3 հավելվածի 2-րդ մասի 2 -րդ կետի՝ կապի կամ հարկային մարմնի ծրագրային համակարգի խափանման պատճառով հաշվարկային փաստաթուղթ դուրս գրելու անհնարինության դեպքում՝ Հայաստանի Հանրապետության տարածքում ապրանքի մատակարարումը (առաքումը, տեղափոխումը) պարտադիր կարգով իրականացվում է թղթային կրիչի վրա լրացված և հարկ վճարողի կողմից վավերացված (ստորագրված և կնիքի առկայության դեպքում՝ կնքված) այլ ուղեկցող հաշվարկային փաստաթղթերով, որոնք պետք է պարունակեն օրենսգրքի 55-րդ հոդվածին համապատասխան հաշվարկային փաստաթղթերում ներառվող տվյալները՝ բացառությամբ հաշվարկային փաստաթղթի սերիայի և համարի:

Տվյալ դեպքում, կապի խափանման պատճառով հաշվարկային փաստաթուղթ դուրս գրելու անհնարինության պարագայում, ընկերության կողմից չի կազմվել և ներկայացվել թղթային կրիչի վրա լրացված և հարկ վճարողի կողմից վավերացված այլ ուղեկցող հաշվարկային փաստաթուղթ ուստի վերոգրյալ նորմերի և իրավական ակտերի վերլուծությունից վարչական վարույթ իրականացնող մարմինը գտնում է, որ ընկերության կողմից ներկայացված պատճառաբանությունը հաշվարկային փաստաթուղթ չունենալու վերաբերյալ չի կարող պատասխանատվությունից ազատելու հիմք հանդիսանալ:

Այսպիսով, «Գոլդ Ինտերնացիոնալ Էքսպերտ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Գոլդ Ինտերնացիոնալ Էքսպերտ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 105.000 ՀՀ դրամ, որի 50 տոկոսը կազմում է 52.500 ՀՀ դրամ, ուստի օրենսդրական պահանջից ելնելով «Գոլդ Ինտերնացիոնալ Էքսպերտ» ՍՊԸ-ի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Գոլդ Ինտերնացիոնալ Էքսպերտ» ՍՊԸ-ին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ. պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 4 էջ

տնօրեն Արմեն Ղևոնդյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պապասխանավոր անձ՝ հալոսկ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)